

Dumonda Loepfe concernent la mancanza da persunas spezialisadas tar ils uffizis dal register funsil en il chantun Grischun

Tar ils uffizis dal register funsil dal chantun Grischun sa mussa ina mancanza pli e pli gronda da persunas spezialisadas. Ils proxims onns van intginas administraturas resp. intgins administraturs dal register funsil en pensiun. A medem temp sentan ils uffizis dal register funsil gia oz ina mancanza da persunas spezialisadas, quai che sa manifestescha en ina spirala da salaris vers ensi. Las forzas giuvnas ch'èn ussa en scolaziun na vegnan betg a bastar ord vista actuala per reducir la mancanza da persunas spezialisadas e per cumpensar ils pensiunaments. Memia paucas forzas giuvnas èn numnadamain en scolaziun, e l'ultim examen per l'attest da qualificaziun ha gi in'auta quota da nunsuccess. Ord la perspectiva actuala na sa sviluppa la situaziun da persunal tar ils uffizis dal register funsil pia betg en moda positiva, ed ord vista da las sutsegnadras e dals sutsegnaders dovra quai ussa mesiras.

Las sutsegnadras ed ils sutsegnaders fan las suandantas dumondas en chaussa:

1. Ha la regenza percurschè ch'igl ha ina mancanza pli e pli gronda da persunas spezialisadas en ils fatgs dal register funsil?
2. Sa la regenza che intginas administraturas resp. intgins administraturs dal register funsil u lur substituziuns van en pensiun ils proxims onns, senza ch'i sajan avant maun avunda forzas giuvnas recrutablas en il chantun u en auters chantuns?
3. Ha la regenza l'intenziun da trametter brevs a las vischnancas responsablas per ils fatgs dal register funsil resp. als circuls dal register funsil e d'als render attent ch'i stoppian vegnir engaschadas forzas giuvnas, per che la scolaziun possia avair lieu «on the job»?
4. Ha la regenza – per evitar ina mancanza da persunas spezialisadas – da sia vart l'intenziun d'iniziar e d'organisar ulteriuras scolaziuns durant ils proxims 1 fin 5 onns sper las scolaziuns enconusentas en il rom da l'examen d'administratur dal register funsil e sper ils novs sforzs da la federaziun dals administraturs dal register funsil, e da porscher questas scolaziuns sco scolaziun, furmaziun supplementara e perfecziunament a tut las gruppas interessadas als fatgs da notariat (notars patentads vegnints, administraturs dal register funsil sco persunas da notariat ed eventualmain auters circuls)? Ha la regenza l'intenziun da sustegnair finanziaimain tals curs?
5. Ha la regenza ina strategia per il cas che las mesiras menziunadas en las dumondas 2 e 3 n'han nagin success e ch'ils uffizis dal register funsil na pon betg pli vegnir manads cun avunda persunal spezialisà en l'avegnir? È ella pronta da render enconuscenta questa strategia en il rom da la risposta a questa dumonda?

Cuira, ils 24 d'october 2018

Loepfe, Föhn, Schmid, Alig, Berther, Berweger, Brunold, Buchli-Mannhart, Caluori, Cantieni, Casutt-Derungs, Cavegn, Censi, Cramer, Degiacomi, Della Cà, Deplazes (Rabius), Derungs, Epp, Fasani, Felix, Florin-Caluori, Flüschi, Gasser, Geisseler, Giacomelli, Jenny, Jochum, Kasper, Kienz, Kohler, Kunfermann, Kuoni, Lamprecht, Loi, Maissen, Märchy-Caduff, Michael (Donat), Mittner, Müller (Susch), Natter, Niggli (Samedan), Papa, Paterlini, Rettich, Ruckstuhl, Sax, Schneider, Tomaschett (Breil), Tomaschett-Berther (Trun), Wellig, Zanetti (Sent), Nicolay